



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXVI.

urn:nbn:de:hbz:466:1-11453

vim tulere. Indè verò, cum auxilia comitis dilapsa essent, Albertum ducem de Brunsvico inuitarunt, ut armis suis, vindicandae incursionis gratia, illis adesset. Venit cum expedito agmine, & iunctis armis ad copias, quas educere ciues potuere, ingressus Holsatiam, hostilia omnia facit. Vicum tunc olim florentem, Urbem veterem, cum praesidio suo, in deditionem capit, undique praedam aceruans. In oppidum Kijl, ubi mansiorem comes aduersarius haberet, ducentes, obsidionem firmare per mensem: magis eruptionem eius expectantes, quam vel armorum, vel famis sperarent expugnationem: aditu à mari patentissimo, intercludi non potente. Indè reducentes exercitum ciues, ducem magnifice remunerati sunt. Sed Iohannes breui post in fata concessit, ad annum Christi millesimum ducentessimum quartum & sexagesimum, tumultus in Reinuelde primus omnium comitum: quod monasterium auus eius Adolphus, eius nominis III. fundauit: cum primo tempore ex ephelis euadens, ad gubernaculum peruenisset. Fratres de Locken, vicino ditiorum de Scowenborg monasterio educens, praesidijs & pascuis honestauit.

CAPVT XXVI.

O Per aprecium fuerit, comitum de Scowenborg & Holsatia lineam retexere, quantum permittitur ex priuilegijs & literis repertis: nam scriptorum nemo fuit, qui eam diligenter referret in literas: Unde veniam debet lector huic scribenti, si ubi fortasse in eius linea commemoratione impegit. Igitur initium huius nobilitatis est ex industrio & forti viro militari Adolpho de Salingsleue: qui dum cætus Imperij ageretur in Minda, frequens aderat in concilio Imperatoris.

toris. Annales Mindensium commemorant Conradum III. sed ratio temporum non patitur, nam iste Conradus Imperator institit Adolphum secundum Holsatia pellere: quod suo loco diximus. Erat ergo Conradus II. Imperator, sub quo Adolphus meruit honorem comitis, instante Mindensi episcopo: cui plurimum apud Imperatorem aderat consilio & auxilio, pro iuribus ecclesie: Dedit illi pontifex feudum, de quo eum inuestierat Imperator: Inde est, ut usque hodie progenies eius non recognoscat supra se principem, citra Imperatorem. Postea vacante Stormaria & Holsatia, Luderus tum dux Saxonie Adolpho eius nepoti, aut forte pronepoti, (intercesserant enim anni plures quam centum) contulit eam quoque ditionem. Huius filius minor Adolphus successit in utraque ditione: nam maior Hartungus in expeditione Bohemica perijt. Hic est Adolphus, qui cecidit à Swandalis in obsidione urbis Demyn. Huius filius Adolphus, primi in Holsatia nepos, vir erat magnificus: qui pulsus Holsatia, militavit in terra sancta: restitutus, iterum pellitur ab rege Danorum: factus est comes Stadenensis, finiuit in Scowenborg. Huic erant filij Bruno, Conradus, Adolphus. Bruno præpositus Magdeburgensis, sit episcopus Olomucensis: Conradus successit in Scowenborg: Adolphus redijt in Holsatiam, puer, ut Holsati ferunt, impetratus à nobili domina, quod diximus. Sed Mindensium annales tradunt, illum ab Holsatis vocatum, cum iam paulatim vires resumerent. Hic est, qui victoriam obtinuit in Bornebouede, fugato Danorum rege. Idem militavit in Liuania: in fine ingressus est ordinem Minorum. Huic erant filij Iohannes & Gerhardus, qui ditionem Holsatie sunt partiti: nam Conradus patru-

us tenebat Scowenborg, Iohannes Swagiam, Gerhardus Holsatiam cum Stormaria acceperunt. Visa est Gerhar-
 dardo iniqua partitio, quod longè vberior esset pars Io-
 hannis, bello rem dirimere tentabant: sed interuenit
 compositio, in qua verisimile est Gerhardū de successio-
 ne patruī in Scowenborg, qui prolem non reliquit, quie-
 tatum. Nam filij Gerhardi illam ditionem postea tenu-
 erunt. Ex hoc loco scinditur amborum linea: Iohannes
 in Swagria, quæ ab Oldenborg in Lubicam, per Todeflo,
 Plone, Zegeberg comprehendit, vberiorē totius diti-
 nis partem, permansit: Filium reliquit Iohannem, cum
 aliquantulis fratribus: in quibus Iohannes secundus reli-
 quit tertiū, cum multis fratribus, cognomento Largum.
 Ex his fratribus erat Adolphus, in Zegeberg casus: Ter-
 tius Iohannes reliquit Adolphum, in quo stetit linea:
 cuius morte ditio Pinnenberg cum pertinentijs venit ad
 comites in Scowenborg: quod suo loco referemus. Ad li-
 neam Gerhardi multipliciorem transeamus: Genuit
 Henricum & Gerhardū. Henricus in Holsatia perman-
 sit, multa gerens: Gerhardus peruenit in Scowenborg: &
 diū viuendo cacitate percutitur: vnde nomen contra-
 xit, vt cacus cognominetur. Redijt in Holsatiam, Lubi-
 ca finiēns vitam: Reliquit filios Gerhardum, Adol-
 phum, Henricum, Ottonem: duo nouissimi in Scowen-
 borg remansere tumulati in monasterio Rintelen: Hen-
 ricus reliquit Henricum filium eius nominis tertium:
 Gerhardus autem tertius, cum esset prapostus Lubicen-
 sis, subdiaconus, apostolica dispensatione mortuis fratri-
 bus duxit uxorem, & genuit ex ea Iohannem, in quo
 stetit illa linea. Adolphus genuit Adolphum, Ericum,
 Gerhardum: ex quibus Ericus, magno labore & armo-
 rum contentione, aduersus ducem Brunswici Henri-
 cum

cum obtinuit episcopatum Hildesensem : Adolphus mansit in Scoxwoborg : Gerhardus in Holsatia. Hic est ille Gerhardus, qui cum Iohanne fratruele Gerhardi tertij filio, in Thietmarsia pugnavit infeliciter, anno vicesimo secundo post mille trecentos. Henricus tertius genuit Gerhardum cum multis fratribus : Hic est, qui cognominatus est pro rerum claritudine Magnus : adulescentia eius, tenuissima fertur fuisse, vt præter venaticos canes, nihil possideret, Rendesborch moratus. Vidit in eo specimen magni ingenij vir militaris, vt fertur : idem, qui Adolphum in Zegeberg perdidit, qui traditis Gerardo iumentis, eum instruxit ad militiam : cæsus est in Iulia. Adolphus in Scoxwoborg, cum se interponeret bello fratruelium suorum in Holsatia, ibi capitur, & ere suo redimitur. Is genuit Adolphum, Gerhardum, Simonem, Bernhardum, & Ottonem. Ex Adolphis (incertum quis) erat qui ducta vxore filia Mestwoiducis Pomeranie, se ducem scriberet Pomeranie : vt testantur, quæ extant literæ cum sigillis. Adolphus primogenitus succedit in diuisione patri in Scoxwoborg : Gerhardus fit episcopus Mindensis : Ambo periêrunt itinere in terram sanctam, diuisis locis & temporibus : Simon haustilio infirmatus, moritur : Bernhardus fit præpositus Hamburgensis : Otto patriam diuisionem gubernat. Magnus Gerhardus reliquit filios, Henricum cognomento Ferreum : & Nicolaum, vindices paternæ necis. Nicolaus filium non reliquit : sed fratri superstes peruenit ad ea tempora, vt morte Adolphi in & Wagria, interuentu principum, præsertim ducis Saxonie, & multorum nobilium & militarium, daret comitibus in Scoxwoborg tres præfecturas ad Albim : Hatesborg, Pinneberg, Bermstede : vt & Wagria iungeretur Holsatia.

Henricus reliquit filios Gerhardum, primum Sleswici ducem ex hoc genere, Albertum, Henricum. Albertus sine prole perijt. Henricus eligitur Osnaburgensis episcopus, sed non peruenit ad consecrationem: Otto in Scowenborg genuit Adolphum, & Wilhelmum, in pueritia morientem. Is accepit, ut conijcio, diuionem primus in Holsatia, genuitque filias quinque: Adolphus filius, is est, qui militauit fratribus in Holsatia, cum magnam de Danis assequerentur victoriam in Holsatia. Gerhardus dux perijt in Thietmarsia: & reliquit filios, Henricum, Adolphum, Gerhardum: & filias, quarum una denupsit Theoderico de Oldenborg comiti, ex qua nati sunt, Christianus, Mauritijs, Gerhardus. In Scowenborg Adolphus genuit Ottonem: Is, moriente Adolpho duce, in Holsatia contendit ad successionem: sed Christianus de Oldenborg, iam Danorum rex, praecessit eum, ut potentia, sic fauore: Unde factum est, ut Otto accepta pecunia conuinceret. Filij eius multi, Adolphus, Ericus, Ernestus episcopus Hildesemensis, Otto, Henricus episcopus Mindensis, Bernhardus, Antonius, Iohannes. Viuiunt hodie, Otto in Pinnenberg, Henricus, Antonius, Iohannes: hic solus filium habet Iudocum. Christianus reliquit filios, Iohannem Danorum regem, & Fridericum Holsatie, & Sleswici ducem. Hic est status rerum praesentium. Non te moueat lector, si qui praeteriti sunt sine nomine: Successio quaesita est: Nunc gestae temporum ordine suo percurramus. Gerhardus ille I. Adolphi filius, interfuit & praesuit bellis omnibus, quae in regem Daniae pro filijs Abelis ducis Sleswicensis, postea etiam regnantis, communiter a se & a fratre gerebantur. Moriente autem fratre, necdum laxatus rex, Hamburgi in

diuione

ditione Gerhardi seruabatur. Albertus aut dux Brunswicensis, eius rei gratia profectus, cum aliquantis amicis in Slesuicum, vt cum Erico duce, ad quem res primum pertinere videbatur, ageret super rege relaxando: Sed non erant illæ conditiones in manibus eiusdem Alberti, sine quibus redemptio non procedebat: qua de re frustratus, in sua redijt.

CAPVT XXVII.

Quo tempore, idem Albertus dux arma contraxit, quāta potuit, ac duxit in Marchionem Misnensem, iustis de causis: sed quas subducunt annales. Hi principes disidebant. Non minori animo, quem petebat Albertus, ipsi cum expeditis copijs obuiam est profectus: collatæque manu, statim inclinabat fortuna marchioni: factusq; Albertus prælio inferior, capitur, cum aliquot comitibus, & inferioris ordinis militibus: à qua captiuitate post annum & dimidium suo ære redimitur. Interim frater eius Iohannes, necdum administrationem aliquam sortitus, quoddam indiuisus ducatus apud Albertum permaneret, inita affinitate cum Gerardo Holsatiæ comite, filiam eius accepit vxorem: Quotum annitente, rex Danorum Christophorus, magno ære persoluto, & quanto pro regio capite luendo opus erat, in libertatem redijt: sed non diu superstes sue liberationi, mox vt in regnum reuertitur, finem viuendi fecit, filium suum Ericum regni linquens successorem: quod in Dania diximus. Memorabile autem est ex hoc Iohanne ducis fratre, quoddam ille primus operam impediens saline Luneburgensi, quæ vsq; ad eius tempora tenuis fluxit, nouā illi venam aperuit, longè ea, quæ pridem fluxit, vberiore. Erat aut tum annus post natū Christū ex millesimo ducētesimo nonus & sexagesi-